



Ինքնանկար:

ՃԵԳՐԻՏ ՎԵՐԱՐՏԱԴՐՎԱԾ ՆԵՐԱՇԽԱՐՀ

Մոսկվայում, Սուրիկովյան բուլվարում այցելուների առջև իր դռները բացեց Արևելքի ժողովուրդների արվեստների պետական թանգարանի նոր մասնաշենքը: Ելանավոր Լևարտարապետ Դոմենիկո Ժիլյարդիի նախագծով անցած դարի ըսկիզբին կառուցված Լուսինների նախկին սրունը շուտով կընդունի թանգարանի ցուցանալիքի զգալի մասը: Իսկ առաջին այստեղ բացվել է Հայկական ՄՍՀ վաստակավոր նկարիչ Ռուդոլֆ Խաչատրյանի անհատական ցուցահանդեսը: Դեռ հինգ տարի առաջ մոսկվացիները հնարավորություն են ունեցել ծանոթանալու նրա ստեղծագործությանը: Ներկա ցուցահանդեսն ընդգրկում է նկարչի վերջին տարիների աշխատանքները:

— Նկարիչը ոչ թե սոսկ պատճենահանում է իրականությունը, — ասում է Ռուդոլֆ Խաչատրյանը: — Ազատվելով ամեն ալելորություններից՝ նա փնտրում է գլխավորը: Արվեստի (ստեղծագործություններում) գլխավորը արտաքին նմանությունը չէ, այլ ճշգրտորեն վերարտադրված ներաշխարհը:

Նկարչի այս միտքը առավել ամբողջական է իրագործված նրա դիմանկարներում, որոնք թանգարանի երկրորդ հարկում զբաղեցրել են վեց դահլիճներ: Յու-

ցահանդեսի այցելուները, իսկ նրանք արդեն ավելի քան 31 հազար են, հնարավորություն են ունեցել ծանոթանալու հայտնի և անծանոթ մարդկանց դիմանկարներին:

Նկարիչը հաճախ է մարդուն պատկերում կարծես թե ժամանակից և կոնկրետ սյուժեից դուրս:

Ջուսպ և խիստ է էլդար Ռյազանովի դիմանկարը: Այստեղ մանրագին նկարված է հայտնի կինոռեժիսորի դեմքը միայն: Դիմանկարում գլխավորը կիսափակ կոպերի տակից նետված փոքր-ինչ ծաղրական հայացքն է. մնացյալը՝ զգեստի ծալքերը, բազկաթոռի թիկնակի ուրվագծերը, ձեռքերը հազիվ զննարկված են մատիտով: Ատրիքուսներ այստեղ անհարկի են: Բայց ահա դիտողների առջև «Հայելիով նատյուրմորտն» է: Եվ հակիրճության զգացողությունն այստեղ ևս չի անհետանում առարկաների առատությունից: Ռ. Խաչատրյանը վարպետորեն հաղորդում է մետաղի առաձգական ամրությունը, փայտի փափուկ հեմքը և հալելու սառը անտարբերությունը, որի մեջ ա-

մեն ինչ արտացոլվում և ապրում է այլ չափումներով: Ավելի ճրքին է «Ծաղիկներ» նկարը, որտեղ թափանցիկ ապակու և ջրի պոեզիան սուր հակադրություն է ստեղծում սպիտակ խորքի վրա պատկերված մահաբեր ձողերի հետ:

Ցուցահանդեսում շատ են կանանց դիմանկարները: Գրաֆիկական կոշտ ուրվանկարն այստեղ տեղը զիջում է փափուկ գծերին՝ լուսաստվերի անվերջ ճեղքանակներով: Եվ որպես հավերժական, անանց գեղեցկության խորհրդանիշ, կանանց դիմանկարներում կրկնվում է խնձորի թեման, որն ըստ հին հույնական առասպելի, Պարիսի ձեռքից վերցրել է սիրո և գեղեցկության աստվածուհին՝ Աֆրոդիտեն:

Մեր ժամանակակից մարդու ճշգրտորեն վերարտադրված ներաշխարհը Ռուդոլֆ Խաչատրյանի դիմանկարների գլխավոր արժանիքն է:

Օ. ԿՈՐՅԱԳԻՆ

Մոսկվա

ՀԱՅՐԵՆԻՔԻ ՉԱՅՆ 5

12 ՍԵՊՏԵՄԲԵՐԻ 1984 Թ., № 37 (997)

„ Айреки Дзани “ Ереван
12.09.84